slargarsi in mar, e fece vella; e lhoro, avendolo discoperto, fenno il simile, e'tuto ozi li hanno seguitati, et continua el camin a questa volta. Et lui mandò do galie avanti, videlicet Ema et Morexina, a saper dal castelan di Civita Vechia, se li parea dovesseno intrar in Mandrachio, a diffender el castello, la galeaza et do barze dil pontifice, che li se atrovano, et per esser mutuamente da lhoro deffesi, e la venuta di l'armata è stà la sua salvatione; li riportò dovesse intrar. E cussì in quella hora è arivato e intrato li, dove si farà ogni possibile provisione, a securtà et tutella lhoro; et ha dato noticia a l'orator nostro in corte. Præterea, aspectando di hora in hora le 3 galie expedite di qui, videlicet do bastarde e una sotil, acciò non incoresseno in qualche sinistro, li ha spazato uno bregantin a la volta di Levante, per farli advertiti dil tutto, dicendoli che, possendo con securtà, vegni de lì, aliter debino navegar con ogni possibile securtà.

A dì 2 avosto. In colegio. Fo leto le letere di Roma, di eri sera. Et sopra vene, lezandole, letere di campo. Questo è il sumario:

Di Padoa, di provedadori zenerali, di eri, hore 2 di note. Come, stando in expectation di saper di la levata de i nimici, O haveano. Et esser fuora assa' stratioti e altri. Et eri andò 40 cavali de stratioti, di electi, non son tornati, et ozi 200 con sier Ferigo Contarini; sì che, chi in qua chi in là, tra padoan, vicentim e colognese, sono tuti li stratioti fuora, adeo im Padoa non è 50 stratioti, et niun torna, e tamen hanno ordine di mandar a dir. Eri ancora ussì 15 cavali lizieri, di la compagnia di domino Jannes, et non è tornati. Et mandono alcuni fanti di Batista Doto verso Vicenza, qualli è tornati ozi, a hore 21, con uno oficial vicentim; qual portavano letere nel campo, di grande importantia, le qual le mandano a la Signoria nostra. Item hanno, che alcuni cavali alemani erano corssi ozi fino a la Rivella; sì che la levata non saria vera. Item, scriveno zercha li turchi, qualli non si portano ben, chome per le intercepte si vederà, et per le letere drizate Antonio da Tiene, adeo essi provedadori biasemano assa' li portamenti di essi turchi. Item, per questi avisi sono stà molto sospesi, et stati in consulto con il governador e capi vicentini e condutieri, qualli hanno diliberato non esser di far movesta, e non esser il tempo di mandar zente verso Vicenza, ni altro, se prima non se intendi la division di exerciti; e cussi essi vicentini hanno etiam lhoro consegliato, che saria più presto, volendo andarsene, farli restar. Item, Latanzio di Bergamo,

qual era a Santa †, per intender si veniva qualche uno di tanti è fuora; et, venuto a lhoro, disse esser tornato uno stratioto, qual è stato con li altri sora Este, et aver veduto il gran maistro partirssi per Montagnana. Etiam vene uno di quelli di domino Jannes, dice aver visto, ut supra, dil levar dil gran maistro con li francesi; ma li alemani non sono mossi de verso Este. Et che in Moncelese, quelli che ozi andono a la Rivella, volendo brusar le caxe li in Moncelese, fichono fuogo in una caxa de uno barbier, e quella solla si brusò; ma ben, che a la Rivella hanno brusato alcune caxe. Item scriveno, che il signor Renzo da Zere è venuto a dirli, aver inteso esser stà preso una barcha, con 4 soi cavali, veniva di Ravena; dubita non siano presi il resto etc. Item, il signor Chiapin Vitello solicita il remeter di fanti, e à scrito a Piero di Bibiena compari a la Signoria nostra. Item, Batagino si duol, havendo perso il suo, li sia tenuto ducati 5 di la sua provi- 7 sion al mexe. Item, di Zuan di Naldo, qual voleano redurlo a balestrieri 50, el si sublevò, e volea·licentia di partirsi; e cussì Babon, suo fratello. Li diseno non la poter lhoro dar; unde li ha convenuto darli licentia vengi a la Signoria nostra: è di mala sorte etc. Hanno principià a pagar le fantarie e balestrieri; stratioti non tocherano 0, et se li provedi. Item, scrivendo, hanno aviso, ut in litteris, che francesi e todeschi vano verso il Polesene, e forsi anderano a Bologna; e in questo caso, per ajuto dil papa e divertir, bisognerà il nostro campo ensi di Padoa, e vadi avanti; e perhò se li mandi danari, aliter le zente non anderano. Item, è venuto da lhoro Gnagni Pincone et uno caporal, dicendo hanno certo il campo nemicho è sorastato, e aspeta letere di l'imperador. E questo hanno da soi, vien di dito campo etc.

Di l'imperador fo leto una letera, latina, scrita a di 27 lujo, in Verte, drizata al gram maistro di Franza, domino Carlo de Ambosia, et è scrita vulgar. Li avisa esser disposto di mantenir la liga con suo fradelo re di Franza; et manda con ampla autorità el vescovo di Curz in Franza, insieme con l'orator francese venuto lì, ch' è monsignor di Villa Nova. Per tanto lo prega debbi restar ancora con le zente in campo, e aspetar risposta dil roy, perchè presto si vederà di belle cosse, al ben di la christianità e di la so liga etc., sì come el vederà per la instrution data a uno vien, videlicet nominato in le letere.

* Item, fo leto la dita instruzion, qual è in francese. E par, il re di romani voi im prestedo scudi XX.^{ti}